


Jekabaara



Cikela ceman n'a musoman kunnafoniseben

a be bɔ̄ kalo o kalo

Jamana baarada la BP: 2043 Bamako (Mali)


MUSOW TOGOLADONBA GINTANW KERA CMDT KA KITA CIKEMARA LA

Ne 5

KALO LADILIKAN

An ka jamana ye jamana kɔ̄roba ye. Maabaw cayara an ka jamana kɔ̄nɔ ka bi lawale la fo bi. Danbe ni sara kera Mali de ta ye. An k'an jija hasidiya ni bɛsenkɔniya kana olu bɛe rɔ̄nɔ̄gɔ an bolo ko politikiko dan y'a yere ye. Ni kɛle bɛ Malidenw bolo bi min ka kan, o te se ka ke dɔ̄wɛre ye bɔ̄nɔ̄gɔlakelé kɔ̄.

Tumani Yalam Sidibe



MUSO JCYCROJININAW KA CA JINAN DEPITE SUGANDI- KALATAW KENE KAN

Ne 9

D
A
A
M
U
M
A



Fofi
baarada
ka
matelaw
(payasi)

Aw ka lafiya n'aw ka daamu, an'aw ka dudenw ni dugudenw ka
ka kenyə sabatili koson, a'ye matela Fofi ke aw dalan ye.
Sogoniko, BP 2173 - Telefoni: 22.87.87 Bamako (Mali)

LAFIYALEN



MAGAMAN

Aw ka lafiya n'aw ka daamu, an'aw ka dudenw ni dugudenw ka kenyə sabatili koson, a'ye matela Fofi ke aw dalan ye.

Kunnafonidiseben

Alamisadon, zuwenkalo tile 12 san 1997, CMDT ni Sikowu ka laje sigira Segu. Ladalatonsigi don min be CMDT ni Sikowu ce san o san.

Laje kun:

- 1o) baara minnu kera sannifeere temenen na;
 - geleya ni nogoya min sorola o baaraw la;
 - feere minnu ka kan ka tige san nataw kanma;
 - 2nan) Samine kura labenw kecogo;
 - 3nan) Kunnafoi wew
- Jama sigilen ko, Kasumu Damelé (CMDT) ani Antuwane Berete (Sikowu), ni tonsigi nemogoya tun be olu bolo, uye folin itaanuni ke ka nesin beelajelen ma. Folibannen ko, kuma dira senne yiriwali cakeda nemogow ma, olu ye bataki kalan min be kuma:
- sanjiko
 - sor hake koori la
 - koori suguyaw (numan ni juguman)
 - juriw kunnafoi
 - san nata senne hake bolodali

Sanjiko: Uy'a kolsi k'a fo ko san o san do be bo sanji hake la; nka yoro dow ta be se ka caya i n'a fo salon ta, Kita mara la.

Sor hake sannifeere la : a yera k'a fo ko sor min tun bolodara, o ma sor. Mun kanma?

1o) A kolsira ko salon danni ma kon ka sor, i n'a fo san temenenw.


2nan) Sanji fana konna ka jo yoro caman na.

3nan) Kenew jate jomjon ma se ka sor

4nan) Furajiw nebaliya, o fana ye belebele bo sor la.

Koori suguya: Benkanw kon, a fo ko ni koori min gosira sanji fe, o te cikela noye. N'o koori kera suguya filanan ye, a be yelema k'a ke suguya fo ye.

Juriw kunnafoi: a kolsira ko CMDT ka juriw fanba sarala a cogo la. Nka geleya be juruko la. O ye cikela ka nidungonjurusarali ye banki la. Ode



koro ye ko halibi u k'u hakili to juriw tacogo la u fanga be se min koro.

Kuma koloma minnu bora nogonye la olu ye:

- 1o) koori celiyo: o benkan te labato, o be ke sababu ye ka tijeni don cikelaw kun, ani koorisenebaarada mumse.
- 2nan) minenw seli u seyorew la: geleya be o la kosebe, bawo a be ke sababu ye ka baara waati teme cikelaw kan. A ninina feewer bce ka sigi sen kan

walasa minenw ka se u setuma na.

3nan) baganbaloko : san o san, o geleya be fo, nka ninan, a yera ko yelema donna baara la, hali n'a y'a sor geleyaw ma ban. A ninina an bees k'an jo an joyoro la, walasa geleyaw be se ka ban cogo min na.

Tonsigi kuma ka ca, nka a nafamanw de be temo.

Gawusu Sanogo
Sikowu nemogoo Kucala - Kaniko

Politikiko taabolo

Mekalo tile 11, peresidansugandi kalafiliw kelen kofe, depitew ta tun bolodalen don ka ben zuluyekalo tile 6 n'a tile 20 ma. Nka, walasa ka benkan sor an ka politiki tigilamgow be ni nogonce, (fagan ni fansitonw), jamanakuntigi Alfa Umar Konare ni Maligoferenama ye boloda kokura ke ka nesin depitesugandi ma. O donw ye zuluyekalo tile 20 ye (wuliko fo) ani utikalo tile 4 (wuliko filanan).

Fen min ye mewi sugandili kalafiliw ye, o donw fana bor'u dogokoro. U tun bolodalen don ka ben zuwenkalo tile 1 ma. Waati kura ma fo olu la fo. O yere de kanma, an ka mewi koro ka fanga be to sen na fo ka se zuluyekalo tile 18 ma. K'a ta o don na, fo ka se mewi kuraw sigili ma, fanga kerkenkerennenw de bena mewi labaara.

Tumani Yalam Sidibe

CMDT Cikelayiriwabaara bolofara kuntigi Zan Batisi Jabate ka jaabiw ka nesin "Tanburu" kunnafonisəben ka nininkaliw ma

Nininkali: A be delika fo, wa tine don fana, kobalo lakanabaliya kera geleya belebele ye Farafinna kōn. A ye senekefen dōnwlayiriwa sabati, in'a fo kōri, kafe, kakawo, timinkala, ka teme balosene kan, n'o ye no, malo, kaba, so, woso, ku, tiga, keninge n'u nogonnaw ye. O be cogo di?

Jaabi: N hakili la, an ka jamana ma deli ka kōrisene bila balosene n'e abada. O kōrō masurun ye baara bolodalenw ye ka nesin balosene layiriwali n'u nejinini ma, walasa ka dunkafa sabati Mali seleke naani na. Nin nininkali kera CMDT baarakela do de la, a be soro a ye misali ta kōriseneko de kan, ka d'a kan, minnu t'a nedon walima ni naniya jugu b'u la, olu de be CMDT jalaki balodesekō nasiraw la, a ka cikeyorow la.

N'i y'i nefili ka taa 1996/97 san kene cikelenw la, i b'a soro foro seneñen tilako sabanan de ye kōriforow ye. Ayiwa, senekele kelen o kelen, u bës y'a sementiya ko kōrisene de be senekeminenw aninogow sōroli nōgoya u ma. Okofe fana, kōrisene de be foro kōrōw nafafenw segin u ma, ni ka foro kuraw sumanw seneñi labarika. A donna k'a ke tigenkan ye sigidaw la" ko kōrimasa de ye nōmasa fana ye". Ale de be san balo soro, ni ka caman lasagon, n'o ye sinijesigi ye. Bawo, jantoyerela kōrōko ka ni. Nin ye hakili jingin ye Kucala komandan Isa Ceman Jara da sera min ma, izini 4nan kurubokaridon, n'o ye ka CMDT togoda ko "Kōri ni faale ani balow layiriwali baarada "CMDT", ka da kōriseneyorow ka nōmasaya kan.

Nininkali: Yala CMDT ye yelema don kōrisenelaw ka nōnemaya la wa?

Jaabi: "Yeko ye fofo bo". N'i ye paarajne kelen ke CMDT cikeyorow la, k'i new minye da, ni ka nininkaliw ke, i



be sin k'a don ko kōrisene ye yelema belebele don o sigidaw n'a duguw, an'a kubedaw n'a maraw la.

O de kanmä, 1997 san kōri bakuruba seneñen b'a to CMDT be sefawari miliyon 40 bo warimarasow ka juru saratawla. Kōri songo de be ke ka senekeminenw, baganw, sokonominenw ni arajo ni telewizionw ani bolifew (negeso, mobilietiw) san, ni ka lakolisow, jiginnisow ani balikukalansow jo. Kōrisene de ye balikukalansinsinanika jekuluw sabati duguw kono. Numuyakalan, sirabaw boli, n'u baarali, pōnw joli, kolonbaw sennin' u nogonnaw de ye kungo silasa CMDT kōn.

Nininkali: Kalannibaarakalan joyoroye mun ye, aw ka baara ketaw la?

Jaabi: Kalan, baarakalan, ni yerekalan be joyoroba ta, an ka baarabolow kēcogo numan na senekeyorowla. Olude be seneñetaabolo numan ni senekelewa ka netaakow dōnsiraw jenseñni teliya.

Baara bolodalen minnu nessinna cikelakolidenw ani cikelaw ma, olu de ye dibi fara ka bo, u ni nogon ce, min kera baarakelognya ye senekelewa ani cikelakolidenw ce. O de koson,

baara caman kalifara senekelewa ma, n'o ye koorisi, kenehakew sēbenni, nogow feereli n'u juru donni, ka se senekeminenw, ani sifilekarew nafa hakew ni kōrikolo sanni ye. CMDT ye numu 235 kalan numuya la, minnu be se k'i joyorō fin, a ka senekelewa ka misidaba ni saribilennin mako la. O kofe fana, numu 18 b'olu la minnu be se ka senekemasin laben siñen biseegin (80) tineko keme o keme, (80 keme tilada 80%) na.

Nininkali: Maliye kōnōnajamana ye, laminiko geleyaw ye min nekōrōse kosebe. CMDT haminankoyemuny'o la?

Jaabi: Laminiko geleyaw ye CMDT haminankoba ye. An k'an nefili ka taa an ka kungow walima sigidaw ladonko siraw fe. "Jidōn o, sodōn o, jiridōn o, yeredon de nogon te".

An b'a don ko mogow be ka caya ka t'afe (2,5% kulu keme) o keme; baganw be ka yiriwa; sanjidese be senna; kene belebelew seneñi kera wajibi ye, ka seneñenw songo bin, o de ye nagasili se lamini keneñi ma.

O de koson, Olandikaw ye deme ke sōrofēn w nōnemaya lidakun bëe lajelen na. Keneñi seneñen lasagonni kama, CMDT dungo ye ka foro kuraw bo; ka kabakurusiraw bo; k'u kōri, ani ka jiriforow laben; ka forow siñe; k'u firi, k'u kuruci; ka bagannogow ani tubabunogow ke u la. Min ye kungo kōnōn lakanaliye, CMDT yifanga da gakuluñana ni jiritigecogo nēciw n'u nafaw de kan.

Seneñi baganmara bëe ye cikela ka baarakeminew de ye. Cikela ni bagan bëe lajelen jigi ye foro de ye (bagannogow, wërew labenni, binw, nogodingew senni, misiba ni misiden fasanw baloyorō yiriwali, n'u kolosili, an'u furakeli, misidaba lasagonyorō).

Lamini tigilamogo 30 ni cikelakolidenw be baara ke noggon fe, walasa ka dugukolo ka nagasili dan sira la. Dugu 1135 kono, n'i ye dugu sigi kulu kemé o kemé, dugu 26 ye baara in sigi sen kan (26%). Olu de fana be dugukolo dakejebali ni sanji jiginjigin foro cétigetaw ladon baaraw boloda.

- belkisesira bametere 1 488
- belkisebalan bametere 13 340
- ji-koronyorow dabada 11 790
- binsira bametere 12 260
- binmasiraw dabada 2 697
- jiri turulen hake 3 400 000

Nininkali: Ayiwa, nemaa, e be son k'aw ka nesoro gundo fo n ye wa ?

Jaabi: N hakili la, gundo were t'anw ka nesoro la cesiri ko, ka masoro:

- baara dusumin b'anka senekelaw la, o ye dofaranyerek yan tuma bëe;
- sanji nacogo numan joda ka bon kosebe senefenw ma;
- ka se cikelakolidenfaamuyalenw ma,



olu minnu be cikelaw bilasira;

- ka baarakeminew lase cikelaw ma, a tuma na;
- ka numu galabu kenew kalan;
- ka kalan ni laben ani senekelaw nindon CMDT ka sigikafow la ;
- danaya min be CMDT ni senekelaw ni noggon ce ;
- koori songo sankorotali dije suguba

la;

- laben cejiw, kotonogontala, ni baara kécogo numan CMDT labaarali, ani san 40 koorisene nafa koronni.

Nin kunnafoni bora faransikan

de la fôô.

A bayelemana Bubakari Kulibali fe Jekabaara togo la.

CMDT ka kunnafoni ka nesin kooricikelaw ma

Koori ye senefen ye min farilabanaw ka dogo kosebe nka, a soro be se ka jaasi k'o sababu ke a cennifen caya ye.

Koori soro lakanani hukumu kono, a cennifenw kele siratige la, furakeli sigira sen kan ni bagaji ye.

Ninan cikesan kono, bagaji sugu joli be CMDT maraw kono?

Bagaji suguya seegin de be CMDT maraw kono, minnu tilalen don kulu saba ye:

Kulu folo: Olyebagajiwye minnu be buluw ni kurudun ntumun faga. U tamasesen ye sere binkene ni bilenman ye didon walima gongon kan.

Kulu filanan: Olu ye bagajiw ye minnu be kurudun ntumu ni

Kulu	Pesoniw	Feereli togo	Dilan-baga	Simini hake	Joyero sanni - feere
Folo	Siperimetirini Kiloripirifosi etili Siperimetirini Kiloripirifosi etili Delitametrini tiryazofosi Siperimetirini porofenofosi	Nireli D Sikilofosi Delitafosi Politirinic	Hidorossem dôw Sensim Agerewo Siba	30/150 30/150 7/150 30/10	97.1.07 97.1.03 97.1.02 97.1.01
Filan-	Siperimetirini metamidofozi	Siperifosi	Sensim	30/300	97.2.04
Saba-	Siperimetirini dimetowati tiryazofosi Siperimetirini monokorotofosi Siperimetirini monokorotofosi	Seridifosi U20 E.C. Siton MO280 Sitofosi 280	hidoroßen dôw Uniferi SMPC Sensin	30/240/ 10 30/250 30/250	97.3.08 97.3.06 97.3.05
nan					

jimifennennamaninw faga.

U tamasen ye sere bilenman ye bidon walima gongon kan.

Kulu sabanan: Olu ye bagajiw ye minnu be bulu ni kurudunntumuw ani jiminfennennamaniw faga. U tamasen ye sere binkene, sere bilenman ani sere bulama ye bidon kan.

* N'i ye sere neremuguman ye bidon walima gongon min kan, o bagaji be jiminfennennamaniw faga minnu ni ntalonw bee ye balemanw ye. Bagaji suguya seegin tilancogo file nin ye kulu sabaw ce:

Kolossili: Jateden minnubesolaban kono kinife, olu be mun fo?

* 97: O ye bagaji sanna san min kono.

*1. O ye bagaji be kulu min na ye.

*07. O ye bagaji min sanna min ne joyoro ye.

Ladilikan ka nesin bagaji donni ma

N'i ye katimu in laje, i be se k'i ka furakeli boloda ka da bagaji minnu b'i bolokan. Min ye salon bagajiw ye, i be se k'i sinsin samine temennen bagajidon kunnafonisebew kan. Cogo o cogo, n'i be furakeli boloda, i be kulu folo bagajiw ke ka furakeli folow ke; ka soro ka kulu filanan bagajiw ke ka furakeli labanw ke.

Kulu sabanan bagajiw be se ka furakeli ke tuma bee. Senefenw lakanacogo numan bee be sinsin sumansi furakeli kan sjolan na.

**Senefenw lakanani bolofara
CMDT Sikaso mara**

Musow togoladonba, marisikalo tile 8, gintanw kokofata cikekafo kono (Kita)

CMDT min ye netaabaarada ye, o ye walew sigi sen kan kabi 1985 san, ka nesin musow ma. Ninan san (1997) ta kera a danmako ye cikekafo kelen kelen bee kono, walasa ka se ka muso fanba nindona la. Kita CMDT cikemara kono, nena je in keyoro tun ye 6 ye :

Kita cikemara : o kera kita

jijan cikemara : o kera jijan

Kokofata cikemara : o kera kokofata ani sagabari

Sebekoro cikemara : o kera Sebekoro

Nin tun y'a sijs folo ye nin gintan in nognaka ke kokofata. Ayedugumogow nimisiwasa kosebe. Jemukan minnu lasera a senfe, olutaara jamajiminsira fe

Kenekan jama :

- Marabolo togo la : kubedakuntigi
- netaa baaradaw
- politikitonw togolamogow ; cikelaw ka soba mogowan cikelaw ka sendika.
- CMDT togolamogow, i n'a fo "Musow ka netaabaarabolo" kuntigi min bora Kita.

Fen min ye dugumogow ye :

- mogo 8 bora Togonbare ZDR la (ce 4 ni muso 4).
- Mogo 20 bora kobiri ZDR la (ce 10 ani muso 10)
- Kobarunto ZDR mogo tun ye 10 ye (ce 5 ani muso 5)
- Mogo 6 bora natanso ZDR la (ce 3 ani muso 3)
- Jamaba bora kokofata ZDR kono, ka masoro ale de tun ye nena je labendugu ye. (muso 60)
- Mogo 20 bora Bukaribaya ZDR

kono (ce 10 ani muso 10)

Kokofata jeliw tun be kene in kan, la nagaikanma. Ngonyeba in kera gaba do koro cikekafo nemogoyaso da la. Masalabarosen camankumasigikera ka ben baarabolodaw ma.

Tile baara bolodalenw

- Kunbedakuntigi ka foliw
- wale nesila cikekafo kuntigi fe
- Masalabolo ninnu nefoli "Musow ka netaabaarabolo" kuntigi fe :

* Musow togoladon nafa dije kono

* Musow ka netaabaarabolo (F et D) sigikun n'a ka baara waleyalenw.

* Musow sendonni baara ketaw bolodali la;

* Muso minnu b'u joyoro fa netaa sabatili la

- Duguw animatirisiw ka jemukanw ani CMDT baarakelaw ka fotaw musow ka baaraw kan.
- nena je

Kene in kera sababu ye k'a don, min kera, min be ka ke, ani min ka kan ka ke musow ka netaa sabatili la. Kene in kan, deme caman ninina CMDT fe, walasa musow ka netaa be sira soro ani ka sabati. A jirala ko janto ka kan ka ke musow ka baara keminenko la, i n'a fo cew ta, barisa "mogo nana te yen, nka baara keminjana de be yen". Fen min ye joyorfa ye sigida netaabaaraw sabatili la, musow y'a jira k'u tena to ko o la.

Don in kera nimisiwasakenye netaakanmogow bee bolo.

**Nin kunnafoni bora CMDT
ka Kita cikemara la;
Labenbaga : Tumani Yalam Sidibe**

Dugu ka njogondan balikukalan sira fe Buguni cikemara kono

Walasa ka nin dugu don, any'a nini fôla ka njogonye dôsigi sen kan Buguni. N'o kera san kalo 12 nan tile 2 don. A njemogoya tun be Buguni kalanfa fôlo bolo. Onjogonyekene kan, mogominnu tun be yen, olu file :

- Buguni CMDT mara kalanfa fôlo : Madu jalo
- Buguni balikukalan Karamogo : Saka Jakite
- Yanfolila kafoyiriwatonkuntigi : Musa Dawu.
- Kumantu (konza kafoyiriwatonkuntigi) : Daramani Keyita
- Njogonye kera fen saba kan :
- fôlo : njogondan kôlosikelaw sugandili
- Filanan : njogondan labenni;
- Sabanan : njogondan be ke baara minnu kan.

* Kôlosili kebagaw.

A ninina ko mogo kelen ka bo cikekafo bee la, ani kalanfa n'a dan kan.

* Njogondan labenni

Njogondan keyoro kera Kebila ye, k'o sababu ke Buguni CMDT kalankeyoro kerengkerennen don.

Walasa mogo ka ke njogondan in kene kan sariya damadow sigira senkan, i n'a fo:

- ton walima jekulu labenni;
- Kalanso ka soro dugu kono
- Mogo kemé o kemé, fo mogo kalannen ka 15 bo cew la, ani mogo 2 musow la.

* Njogondan kera baara minnu kan olu file :

- kufesebenni
- warali
- jate.

San 1996 kalo 12 nan tile 31 don, njogondan yere kera. Nka sani k'a damine, kalanfa ye njogondan kun n'a nafa bee fo.

O kene kan, dugu minnu yera, o

kera Falani ye, ka bo Kôlonjeba cikekafo kono.

- Kôla, ka bo dogo cikekafo kono
- Ntenkoni, ka bo Dogo cikekafo kono
- Zanbala, ka bo Kumantu cikekafo kono
- Bontala, ka bo Kumantu cikekafo kono
- Tinfuga, ka bo Kumantu cikekafo kono;

Nin dugu in kelen kelen bee tun ye mogofila bila ka na, fo Falani, n'o mogo kera saba ye : ce fila ani muso kelen.

CMDT mogo minnu tun be kene in kan kôlosili la ani baaraw segesegeli la, olu file nin ye :

- Isa Sidibe, Buguni kalanfa filanan
- Nfali Sidibe, Kebila santiri karamogo

Saka Jakite, Buguni balikukalankaramogo.

- Daramani Keyita, Konza kafoyiriwatonkuntigi

- Majime Sisuma, Kebila kafoyiriwatonkuntigi

- Nanpe Kulibali, Garabo balikukalankaramogo.

- Burama Jakite, Kôlonjeba balikukalankaramogo

Njogondan jaabi (Katimu laje)

- ladiyalifew file nin ye :

- dugu fôlo: dôrème 10.000

- dugu filanan: dôrème 6000

- dugu sabanan :dôrème 4000

Nin jaabi in diyoro kene kan, mogo minnu tun be yen olu kera :

- Bugunimara CMDT njemogogo: Abulaye

Dugu	Togo ni jamu	Cike - kafo	Kun - nase - benni	Kun - nase - ben	Jate	Mume	Cyoc - ri
Falani	Burulayi Kone	Kôlonjeba	5	9	7	21	
	Aruna Kone	"	7	8	10	25	10
	Kajatu Suntura	"	0	4	4	8	
	Mume	-	-	-	-	54	
Tinfuga	Saka Dumuya	Kuman - tu	6	7	10	23	
	Dawuda Dumuya	"	3	6	10	19	2nan
	Mume	-	-	-	-	42	
Zanbala	Aruna Dumuya	Kuman - tu	8	7	9	24	
	Dansen Togola	"	1	5	10	16	3nan
	Mume	-	-	-	-	40	
Sontola	Lasina Togola	Kuman - tu	5	4	6	15	
	Jakaria Togola	"	1	5	9	15	5nan
	Mume	-	-	-	-	30	
Kôla	Baba Alékisi Samake	Dogo	6	7	9	22	
	Saka Samake	"	0	3	7	10	4nan
	Mume	-	-	-	-	32	
Ntenkoni	Yaya Fômba	Dogo	4	4	10	18	6nan
	Mume	-	-	-	-	18	

U ko...

N'i jənəgōn ko i ma ko : fən tə n bolo, nka n ye dugawuden ye, siran a ne, barisa dugawuye fənba ye.

N'i jənəgōn ko i ma ko : fən tə n bolo, nka n ye dənnikela ye, siran a ne, barisa dənni ye fənba ye.

N'i jənəgōn ko i ma ko : fən tə n bolo, nka n be jiri dən, siran a ne, barisa jiri ye fənba ye.

Buraïma Bakayoko
Bamanankow sidənbaga -
Kalaban kōrō (Bamako)

Mun ye fənba ye ka teme barika kan, o tc yen, barisa ni barika tə fənba min na, o fən tə kōgō. Barika yere de ye fənba ye, barisa ale de be fənnin bəe sankərōta

Mohamedi Najibou
Arabu dənnikela do
Hijira san 67 nan.

An kana fo nōgōn kō barisa fənəgōnkō te səbe to kola. An ka je ka bən kelen ma, barisa bənkelenma de ye adamadenya taalanye. Anka nōgōnkanu, barisa nōgōnkanu de ye diinew bəe kolodonfən ye.

Daba Susoko
ka bə Marakala (Segu)

An ka falaw ladon, ee maanu, an ka falaw ladon, jaa falaya man di.

Jenəba Seki - Dənkilidala

Jənnin jumen de ko muso te fən ye ? Maa lankolon te teme o tigi kan, sabu la muso te ce min bolo o yere te fən ye.

Banafis Kulibali
Namabugu dugutigi kōrō do.
(Kolokani)

N'i dara muso la, a b'i n'a fo i dara bafaji de la : bi a be mōgo tan dun, sini mōgo kelen minjiko b'a kamanagan a kōnō.

Kankuba Jalo
Mañanbugu musokorōba do
(Bamako)

Sew	Kalanje	Səbenni	Daw dənni	Kafoli ni dəbəli	Sigiyərcə malı ni tilali
1	+	+	+	+	+
2	+	+	+	+	0
3	+	+	+	0	0
4	+	+	0	0	0
5	+	0	+	+	+
6	+	0	+	+	0
7	+	0	+	0	0
8	+	0	0	0	0
9	0	0	+	+	+
10	0	0	+	+	0
11	0	0	+	0	0
12	0	0	0	0	0

Tarawele

- Kebila kumandan
- Buguni arajoso "Banimənəce" animateri : Musa Mariko
- Bugunilakəlikuntigika ciden : Cəjama Jara
- "Sewu" ka ciden : Kasimu Janapo
- Kumantu cikəkafo nəməgō : Tijane Dukure
- Kələnjeba cikəkafo nəməgō dankan : Tandina
- Kebila lakolisonəməgō fila : Amadu Watara ani Dirisa Dumuya

Ladiyalifən w dili

- foł : dira CMDT nəməgō fe Falanima.
- filanan dira Buguni lakəlikuntig fe Tinfuga ma.
- Sabanan, o dira Kebila kumandan fe zanbala ma.
- Muso kelen min tun be yen, o ye nisəndiyalan caman sərə ka bə nəməgōw yərə (dərəmə 1400, kaye 3, biki 2)
- Abdulayiy'i sənsin musow ka kalanko kan kəsəbe.

* A be ke'sababu ye ka məgōw tin don nōgōn na.

* A be dənniya sərə, minnu be se k'a kisi dijə bana juguw ma.

* I be se ka banaw kubəncogo n'u furakəcogo faamuya nəgoya la.

Welekan

- Kebila kumandan : kalan be

dunkafa sabati; u be se k'u yere ka ko caman nənəbə, k'u ka baaraw boloda konuman, k'u waleyə, k'u ladon cogo numan na. Yerəta sinsinnan ye balikukan de ye. A be dənniya jiidi duguw kōnō.

Buguni CMDT nəməgō : a ye wele bila ka nəsin duguw bəe ma. Ko məgō te kalan ka ban ; dan yere te kalan na. Anka kalan walasa kunfinya bədəgoya an ka jamana kōnō. An k'an jiija balikukan ka ke ko barikama ye. Ola sa, fo bəe k'i joyərə fa (duguməgōw ani baarakəlaw).

Lakəlikuntig ka wele :

A jirala ko ni dənmisən w ye kalan damine u yere ka kan na, u be fənw faamuya joona, nəgoya la, wa min ye tubabukanyere kalanniye ; obənəgoya u bolo, bawo a kalantuma b'a sərə u ye səbenni, ni kalanje matarafa ka ban u ka kan na. A be dənniya kuraw jənən duguw kōnō, walasa duguməgōw ka se k'u yerew kunkow nənəbə.

Tarawele sərəla ka foli ke jama ye ; ani ka sanbəe sanbəe ke.

- Ala ye salon don an garisege la, Ala ka ninan n'a nəgōnna caman don an garisege la. Ala ka balikukan taa nə an ka jamana kōnō.

**Daramani Keyita
Konza kafoyiriwatən kuntigi
(Kumantu)**

Jamana baarada ye gafeba fila bo an ka tariku kan

Kabini Zuwenkalo téménen waati laban, jamana baarada ye gafeba fila bo an ka tariku kan. Gafe olu kelen-kelen bëe bennet don an bolokoro an ka dijénatige neñinisira bëe la. Abe fo ko "Korolendô de bëe adamaden ka siniñesigi sabati". An bëna gafe minnu dantige aw yenin yororin na, aw b'u bëe soro jamana baarada ka gafefeereyorow bëe la Mali fan bëe.


Gafe fô : "Manden buruju". O ye gafe ye anw bëe Manden kumu n'a kunasini kokorontaalenw n'a kokoro tigitigw bëe soro min kono, sebencogo ce ni ani focogo numan na. Manden

jujon bora Makan cogo di ? Damansa wulanin ani Damansa wulatanba joyorò jumen bëe sunjatako la ? Manden subagamuso kónontón, olu joyorò ye mun ye tariku la ? jamuw yere soro cogo di de, i n'a fo kulubali ; Konate...

Manden buruju ye gafe ye min kónokunnafoniw bëe minena Lansine Jabate da. O baaraw kera Olandika mögo fila fe, minnu ye Ezeri Dunzeri ani Zan Jansenye. A sebenlabenw kera Tumani Yalam Sidibeni Bubakari Tanbura fe.

Aw bëe a soro dorome 400 feereyorow bëe la.


Gafe filanan : "Mali donbaw". O ye gafe ye min boko fô kera san 1978 ni 1980 waatiw la faransikan na. O boko fô ye jamana mögo faamuyalen bëe wuli K'u jo u sen kan a nofè ka d'a kónoko nafaw kan. Ni Ala y'a ke an k'o gafe kelen soro an bolokoro bi bamanankan na, o ye taarekoba ye. Mali don baw ye gafe ye min b'an ladonniya Malikunkankowla, kabi san 400 nan (nabila Isa kofe) fo ka se san 1970 waatiw la. Awa, a sebenna an ka jamana kókórow n'u fénkórow dónbagha belebele fila defe, minnu ye Alfa Umar Konare n'a furumuso Adam Ba Konare ye. Aw b'a men sanga ni waati bëe ko "Gana masadugu". Aw b'a men sanga ni waati bëe ko : "alimorawidiw". Tuma



bëe Manden jamana ; kaarta jamana (lónón mara bi), fo ka se Tumutu ma. Mun de kera olu kono waati jan téménenw la min b'a to an b'an ka tariku saramayorow ye ? Baledadanma, walima Baramadanma, joyorò jumen b'ola Mali tariku la ? Tubabuw doncogo an'u ka fanga sinsincogo an ka jamana kono, o kera cogo di ? Awa an ka jamana ka yéremahoronya tara bolo jumen kan ? Aw bëe kunnafoniw soro ninnu n'u nögönnna caman kan gafe in kono.

A sanda ye dorome 1000 ye feereyorow bëe la.

Tumani Yalam Sidibe



Senekew layiriwali n'u neñini baara (I.E.R) kunnafoni

- Senekew layiriwali baarada ka ninini bëe senekefenw minnu kan : no, so, keninge, kaba, malo, koori, tiga jiridenw ani nakofenw.

- Senekew layiriwali baarada ka ninini ji, kungo, baganmaralaw ani semaralaw kan. A bëe senekelaw ka donko n'u ka sigidaw segesegé.

- Senekew layiriwali baarada ye baro ke senekefen kan, san téménen kono, n'o ye fini, bëne, sirakolo, timinkala de ye. Baara kera olu cikecogo kura de kan.

- Senekew layiriwali baarada y'i sinsindunkafa sabatilikan, k'a damine 1997 san, fo ka se 2010 san na.

Sinzana nininikebaarada nesinnen b'baara de ma. Porozew bëe nafolo di, walasa ka sumansiw dorogo nögönnna, ni k'u furake. O jaabiw bë ci, o porozew ma.

Yaya Danbele
B.P. 44 Marakala
Segu

ADEMA musow be joyorōnini na

Kabisan 1991 yere mahorony kura sōrolen Malidenw fe, bēs y'a jira k'a b'i jo i joyorō la a nema, fasobaara la. Awa, musow fana ma to koo la. Walasa k'u joyorō o sementiya i n'a fo a ka kan cogominna, ADEMA politikiton musow wulila k'u jo cew fe, k'u bolo moconobo depiteya nōfe. Munna? Walasa an ka se k'o faamu, an wulila ka se Bamako Komini woɔronan ADEMA muso nēmogo dō ma (Yirimajō susekison ADEMA kolabenna), n'o y'an balimamuso Traweleta Sirandu Jalo ye. A ye minnu fo an ye olu file nin ye.



Taraweleta Sirandu Jalo

Nininkali: Sōnin depite-sugandi-kalataw bēna ke, musow ka bolomconobo be cogo di?

Jaabi: Musow ka bolomconobo ka kan haali depiteya niniko la. Anw musow ye wotejama hake % 60 de ye. O b'a jira ko musow joyorō ka bon kosebe nēmaaw sugandili la. O nēmaaw sugandilenw berenin dōronpe de be jatemine ke musow tōgolakotaasimine la. Walasa an k'an mako don an yere la dijēnatige kōno, k'an tōgolakow nēnabo politikiton caman ye depiteyanini sira di an musow ma.

Nininkali: Ankajamana lada dākun dō ye musow ka bolokonōmogoya ye.

Ka furu ni furuke labato. E dalen b'a la k'aw bēna se k'o lada o lawuli wa. Aw musow?

Jaabi: A ka gelēn an ka se k'o lada o lawuli sisan. Nka, ka da musow joyorō sankorotali kan, minnu bē senna sisan, a bē se ka ke yeləmaba ka don o taabolo la waati nataw kono.

Nininkali: Zuluyekalo tile 20, o ye depite-sugandi-kalataw ye. O baara nēbilawalew dō ye ADEMA musow ka nōgōnlaje kunnafonidikene ye, min bolodalen don ka bēn zuluyekalo tile 16 ma. Munna o be ke? Yali e yere bolo moconobelen don depiteyanini nōfe wa?

Jaabi: Nōgōnlaje in kunw te kowere ye. Ninnu de don:

Folo: k'an tōgolamuso bolo moconobelenw dō;

Filan: K'a nini musow fe u ka bō i ko kōnkuluw, zuluyekalo tile 20 kalataw kanma;

Saban: k'u ka baara bolodalenw (porogaramuw), lasinsin, olu minnu y'an bēs taw ye. Fen min ye ne yere ka bolomconoboko ye, ne sent'o la sen in.



Jalola Jeneba Jakite ye ADEMA tōgolamuso dō ye depiteya ninini kanma

Nka, n be dēme don an ka muso bolo moconobelenw ma. Kērenkerennnya, la, an togolamuso min bē Bamako komini woɔronan na, o n'o ye ADEMA politikiton tōgolamogo ye, min y'an jenogon Jalola Jeneba Jakite ye.

Nininkali kebaa: Tuya Sidi
Boko nata kōno utikalo, aw bēna kunnafoni sōrō ADEMA musow ka zuluyekalo tile 16 nōgōnye kan.

N te mugu dun, w'a te conko n ne na!

Bi, Mali politikiko kelen bē fanga sinamaton (fansiton) dōw bolo yerebungoko ye. N'o te fasoko te. Ne kan bē fanga sinamaton katigelenw de ma. Minnu komekalo, tile 11 wote te ke, minnu ko peresidan te sigi; minnu ko ka wote laben jekulu ci, minnu ko fanga ka baara bila; minnu ko jamana fanga ka bila bōlon fe, minnu ko depitesigi kalafiliw te ke, wa k'u sen t'a la. Olu kelen de ko zuluyekalo tile 20 wote te ke, wa k'u sen t'a la. Ee! an ka sabali dōnin sa.

Jamana sigikan, n'o ye sariyabaju ye, o de y'a jira ko wote ka ke ka bēn waatikofolen ma. Fanga depitentan ye fanga to-ka-je ye.

Nifanga sinamatonw sent'e wote la, u k'a to fasodenw k'u ni lafiya. N te kōnta, oyetijē ye. Nka n sinamuso te den wolo, o ye nāniya wēre ye. Fasoko don.

Tonton Dani
Kucala

Munna fansitonw t'a fe ka kalafiliw ke

A bë waati jan bobi, ka bi awirilikalo tile 13, depite sugandi kalafiliw kera, fanga sinamatonw (fansitonw) darokuma wëre te, u senboli ko kalafili nataw bëe la. Tiñe don, u y'o sababu k'u ka ninifénw waleyabaliya ye fanga tigilamogow fe. (Aw y'olu kalan awirilikalo temennen boko kono). Nka, yaligundo wëre te fansitonwka taabolo in na wa ? Tiñe na, gundo wëre bë yen min be ko in ju la. O de kanma; an dalen b'a la ko hali n'a fôra ko segin bë ke peresidan sugandi kalafiliw kan bi, cogo si t'a ke fansitonw ka y'o kene kan. Ube ka fen ofen fo, o sit'ubankun ye kalafiliw ma. "Seniko" (kalafiliw labenjekulu) o; seginkanko operesidan sugandikalafiliwkan, ninsit fansitonw ka bankun sababuw ye.

Sababu kelenpe min b'u la, o ye siran de ye jonyerela kono. Awirilikalo tile 13 kalafiliw y'u joyorojira u la. O de senfe, u y'a dòn ko jama t'u k'o. Jama t'u k'o sababu ke u ye san duuru temenen bëe ke popapo gansanw la dugubaw kono, ka sebenranko keta bëe ye k'u to ye. A dun b'i n'a fo



Faransi jamana poyibola nana do y'a fo cogo min na: "ni nkeesen ye samiñe bëe ke donkilida la, a bë tilema lateme jugusagoya-donke la dëresi!"

Fanga sinamatonw bë poroporolikanfo min bëe la bi, o si te tiñe ye. Min ye tiñe ye, o de ye k'u b'a fe k'u ka malo sutara banbaganciya birifini koro. N'o kera, san duuru nata kono, siga bë to bëe la u ka ko la. Barisa u b'a fo buru ni file la, sanga ni waati bëe, ko jama fanba b'olu de k'o, k'o de kanma, fanga y'a ke cogo bëe la k'u senbokalafiliwla. Ujob'ola, barisa

cëya ye feere ye. Nka, min fana man kan ka bë u hakili la, o de ye nin ye: "Mogobë se ka jamanaden dòw negen waati bëe, mogobë se ka jamanaden mume negen waatinin kono, nka mogobë se ka jamanaden bëe negen waati bëe." Seku Ture yetiñe fo. Karili Makisi yere ma nkalontige, ale min ko ko: "Jamanaden fanba bë ton min k'o, o de ye lakika ye, hali ni ton dòw b'u yerenegèn".

Tumani Yalam Sidibe

Jekabaara ko di?

A ko folo:

Ko ka cikeseerew jensem
cikelaw ce ni kunnafoni
geregere dili ye u ma;

A ko tugun:

Ko ka sigidaw konojigi ladiya
u sigibagaw bolo, ni keneya
anjelenya ladamusiraw kofoli
y'u ye;

A ko fana

Ko ka jemufanga lasinsin ni
bëe lafaamuyali ye josiraw ni
waleyasiraw kan.

KA SE LALA MAMADU JAKITE MA

Jekabaara ye n diya !

An ye batiki fila soro ka tugu noggon k'o, ka bë an kanubaganciba dò yoro min ye Lala Mamadu Jakite ye, ka bë Sikaso. A ka batakkesu nimoro ye 206 ye. Lala Mamadu Jakite ye jekabaara kanubaganciba ye, o yere de kanma, a ye jekabaara bakurubasan ke. Lala Mamadu Jakite y'a nini an fe, k'an ka jekabaara n'an ka kunnafonisèben dilanta wërew feereyoro jensem Mali fan bëe fe, walasa bakurubasan se te minnu ye, olù k'a kelen - kelensanta soro u bolokoro. An b'a jira a la k'o baara bë senna jamana baarada fe ka bi waati jan. I komi Mali ye jamana ye min fere ka bon haali, wajibi don

baaraw ka ke ka bë noggon da fe.

Tumani Yalam Sidiben'a ka cedenw bëe (Bakari Sangare ; Amadu Gani Kante ; Bakari Kulibali ani Idrisa Senu) bëe b'i fo kosebe.

Lala Mamadu jakite y'a jira ko Amadu Gani Kante ka kumaw barika ka bon kosebe. Ko numuyakumaw te, ko nka maasebekumaw don. An b'o jaabi to an ka numuke yere bolo a k'o jaabi boko nata kono. Sani o ce, an be foli ni wale numandòn ke ka jesin Lala Mamadu Jakite ma. K'a fo a ye, ko fen te kanu bë. A y'an kanu, an fana b'a kanu haali.

Jekabaara sebenjekulu.

JEKABAARA

KA BO SUKOSO

Jekabaara kanubagaw, aw ni fama !

A bë san kelen bō bi, ne Burama Kone te bataki ci jekabaara ma. K'o sababu kë, ne hakili la, jekabaara gafew dilankun ye anw cikelaw ka bōnjogon-kalama de kanma ye, here fara bōne kan. Ne ka jatemine nan'a soro o te. Nin ye ne ka bataki sabanan ye kabi san 1996, jaabi te soro minnu na. O de tun ye ne farifaga doonin. Ne tun m'a dōn ko jekabaara kanubagaw ka bataki b'a dilanbagaw töro.

An bëe benn'a kan ko Mali jemufanga na fisaya malidenw bëe ma. Nka, ne ka jateminecogo b'a jira ko Mali "demokarasi" te Mali yorō bëe la, janko anw minnu bë Mali ni jamana werew dancew la, kerenkerennenya la, kucala mara, yoroso mara, ani san mara. Anw maralen don sesulu kono nsonw bolo. Ni min fagatum sera, o bë minne k'a faga, fen te bō a la. Wa fen

téfō a la fana. Anw maralen don nsonw bolo ni mugu ni kise ye, an ka bolifenw nōfē. N'a fōra ko dunkafa sabatibagaw ye anw senekekaw ye, yala marafatigi dalen bë senekekela min ka foroda la, i ka bolimafen nōfē, yala o senekekela bë se ka ye dunkafa sabatibagaw la wa ? jamana nemogow, a y'a kofile an na. Jamana fan kelen sisitō don sigijogon juguw bolo, minnu bë bō an kerefejamanaw la. Mali nemogow ni jemufanga bëe bilakunye jamanadenw bëe ka lafiya de sabatiliko ye. A y'aw kofile an na, walasa an fana bë do soro Mali demokarasi nafa la. N'o ma kë, anw maralen don sesulu kono, nsonw bolo. Anw senekekaw hamieye jamana sabatili ye. An dalen b'a la ko senekekaw ka ko bë barika la Mali nemogow bolo cogo min na, ko Mali goferenaman bë wulik'a jowalasa anw

fana bë lafiya soro.

N ka foli bë jekabaara kanubagaw bëe ye Mali kono, ani a kókan.

N ka foli bë CMDT baarakelaw bëe ye. N ma jine an yere ka ZAER kintigi kó, n'o ye Bakari Jara ye.

**Burama Kone
AV sekeretéri, sukoso
Zebala cike kafo
gantara ZAER**

Burama Kone, i b'a soro e tun meennia ka soro i te Jekabaara kalan. Note, bataki t'an bolo Jekabaara kanma, jenseñbaliya dakun na. Jekabaára ye cikela ceman n'a musoman kunnafonisben de ye. A bë lajaga cikelaw de fe fana. O koson olu ka bataki te se ka kumaniya laboli la.

MAAKOROBA KUMA

Tugu te mögo ke naloma ye

Sigijogonya dōw, ni baaraké-nogonya dōw, ani jeñogoya dōw bë meen si la geleya suguya caman kono. Amogow be nogon bolo ten dōron, nka u te fara. Hali n'u fōra nogon kó, fo ka kélé b'a la, o kélé te taa je, bawo, mögo kelen, wali mögo caman b'u la, minnu te farali fe. Farali maloya b'olu la. N'a danna oluma, faralite ke fon'u keñera. Ut'a fe mögo k'u ye nogon bolo cogoya dō la, ka tila k'u ye nogon bolo cogoya weré la. O kanma, tōw ka ko kuntanw bëe be kun u la, sanko farali kana ke; mögo kana yele' u ma; u kana ke bolonkónin taamassere ye duguw kono.

Nin yoró ka gelén mögo min ma je o je la, o tigi de b'a je tugu tōw ka yereñbaliyakow kan. O tugubaanciyajetugu körte nalomaya ye. Akörte körte köröñbaliya ye. A körte ye je suturali n'a tangali de ye farali ma. A

tigilamögow bë ko bëe kalama. Nka, ut'a fe mögo k'o dōn. O de koson u b'u yere mine, ka sabali, k'u kalalañfili, walasa a ka ke mögo je na k'u te fosi dōn ka soro u ta b'u kono. U b'u dusumasumaya cogo do la, fo mögo b'u ke fugariw ye. U te u funun u te muruti; bawo olu si te dilannikela ka baara ye. Ni mögo be nogon bolo, ni bëe y'i yere ke dononkörökunkolo ye, je te meen si la. A te je fo do k'a yere ke naloma, dusunta, kodonbali wali fugari ye. O siratige la, kumadonsow b'a fo ko sagajigi ka kummasuli te siradonbaliya ye; ko n'i ye sigi diyalen ye, dō de kéra naloma ye; ko tugu te mögo ke naloma ye. Wale fen o fen be mögo bila sigijogonya ni baaraké-nogonya, ani jeñogonya matarafali la, o te wale juguman ye. O wale kebagu te mögo juguman ye. O ye hōrōn de ye, min b'i miiri je doncogo la, ni jeñogonya

farali jore n'a maloya b'a la, n'a t'a fe je ka ke sifileñfien dōron ye, bawo, je te sifileñfien ye. A ma' dabo o kanma, bawo, je bë se ka ke sangawuliko ye, nka je man kan ka ke waatilako ye. Je te waatilako ye. Dan te je kuntaala la. Ni mögo jera fo ka saya s'u ma, o saya te s'u ka je ma, ka masoro, sabaatow ye je bila yoró min na, u komogow b'a ta yen. O de ye horonya ye. Ni je sigira horonya kono, a ka kan ka wuli o horonya kelen kono. O de koson, a bë fo ko je ka gelén farako jugu ma. O farako jugu nesiranya, a jore, n'a maloya de b'a ke mögo b'u je tugu u jeñogonw ka hakilintanyako dōwkan, k'uyere ke naloma ye, walasa je kana ke yekofila ye. O misali ka ca, bawo mögo jelen be yoró o yoró dijé kono, a tigilamögokelen walicaman be soro olu la.

A bë soro duw bëe kono. Dutigi dama

minnu b'u ka dudenw ka sɔnjuguya, u ka kalabaanciya n'u ka tugubaanciya kalama, n'a fɔra k'olu dɔw ka dɔn kene kan cogo dɔ la o laban be ke tijeni ye. A b'o cogo la dugutigi kunda, fo ka se demejekulu ni yiriwalitɔn w n'u nogonnaw ma, dugu bee kono. A b'o cogola baarakεyɔrɔwla, foroba kunda, wali kenyereye kunda. A b'o cogo la furuŋɔgnw ni balimamawani terimaw ni nogon ce. Nin fan bee kelen kelen na, ni mɔgo sɔrɔla min b'a ne tugu ko dɔw kan, n'o kelen dɔrɔn ka kuma ma mine, n'a ma demebaga sɔrɔ a yere la, mɔgo caman be malo, mɔgo caman be tige nogon na, caman be fara, k'o sababu ke jigitige ye. A dɔw te dan farali dama ma. O te mɔgo dɔw dusu sumaya. Olu ye mɔgɔw ye, minnu b'u ta ke kele ye, fo ka se joginni ani kasaara ma, n'u bɔra a kalama k'u jeŋogon dɔtilennent'uye, walik'ojeten t'u ye. O be se ka ke nanbarako, negenniko, wali janfako n'u nogonnaw ye, minnu be mɔgɔw tige nogon na. O kow caman sababu ye nengoya ye, min be tali ke sɔrɔ, ni yecogo a ni tɔgo kan. A dɔw sababu ye dugukoloko, minenko, baganko, wariko, denko, wali musoko ye. Ni jogo juguyakow be se ka ladiian ka sɔrɔ mankan ma b'a la, o de ka fis. Dɔnnikelaw y'a jira ko mɔgo be se ka nkalontige ka sinji tugu, ka

furusা bali, ka teriya ni sigiŋogɔnya, ani baarakεnogɔnya kisifaralima. Ote ne cogo si la, fo je o je la, dɔ ka hakili numan sɔrɔ, k'obaara ke. Otigibε kow bee kalama. Nka, n'a m'a kumacogo n'a kecogo dɔn, a be ke sababu ye ka sitane wuli. O de be na ni kalalafili ni tuguye, walasa ka mɔgɔwhakilisonya. Ob'in'a fɔnin dutigimin be Jelibugu kin na, Bamako dugu kono, n'a tɔgo ye Soriba. Ale ka du bee ye bulonda kelen mɔgɔw ye. Ale yere n'a musow, n'u denw an'a balimaw n'u musow, n'u denw dɔrɔn de be du kono. Musotigiw ni cegananw ani musogananw b'u la. Dɔw ye buranw ye; dɔw ye kanimew ye; dɔw ye ninmɔgɔw ye, dɔw ye teriman ye. Olu be nogon bolo yɔrɔ bee la. Dɔw teriw be na u nɔkan. Dow yere ko man di nogon ye. Olu te ben fosi ma du kono. Nin bee la, Soriba b'u be sɔnw dɔn. Ni wari sonyara, fo ka se fini wma, ani nɔnimalo, wali, magonfɛn wɛrew, a b'o tigi dɔn. N'a y'i dɔn o tigi kerefe dɔrɔn, fen sonyalen be ye ka sɔrɔ mankan ma b'a la. O siratige la, kabini a ye nɔ ni malo kalifa a denke fɔlo muso la don min na, nɔ ma dese tugun, malo ma dese tugun. Soriba y'a buranmuso sutura nin cogo la k'o kisi dɔndɔla malo ma, ka sɔrɔ a ma dɔn k'o de tun be balo sonya, n'a ye tobili ta tuma o tuma. Mɔgo minnu be nogon

bolo kanu na, n'u b'u dɔn ka don nogon kan sow kono, wali ka nogon sɔrɔ bulon ni gabugu a ni negeen kono, Soriba b'olu ben dɔn. O siratige la, don do la wulafe, a mako jolen a balimake denke la, n'o tɔgo ye Sidi, a wulila ka t'o segerε o ka ceso kono. A taara bala Sidi dalen na Jeneba kan, n'o y'ale yere denmuso ye. Ale y'u ye, k'u lasa, ka sɔrɔ ka girin ka bo. Olu y'a dɔn ko mɔgo donna u kan, nka u tun te se k'a tigi ye. U siranna fo k'u kɔrɔbo, bawo, Sidi ye musofilatigi ye, Jeneba dun ye musoganan ye. U ye su bee ke jore la. Nka, mɔgo ma fɛn f'uye. Sɔgɔmada fe, Jeneba y'a fo a fa ye ko ni kalo sara, a be t'a momuso fe yen Kolokani, ko Bamako negebora ale la. Cekɔrɔba y'a kalalafili, ka yεlε, ko mun ye Bamako negeba ala. Akojinewye donnidamine ale kan f'a sisokono. Cekɔrɔba kabara.



Amadu GANI Kante

Jekabaara

Labolikuntigi
Tumanı Yalam Sidibe
Sebenjekulukuntigi
Tumanı Yalam Sidibe
Sebenjekulu
Bakari Sangare
Amadu Gani Kante
Bakari Kulubali
Idirisa Senu
Negenw kebaga
Nuhun Madani Tarawele ko Banun
Baarakεnogonw
MAKOCI, SNV, OCED
Hakεbata:
11 000

CMDT mɔgo minnu ye sebenni ke boko in kono
Madu Yusuf Sise
Dawuda N. Dawo
Adama Tarawele
Mamadu Jalo
Yusuf Jime Sidibe
Siyaka Jara
Nanpi Sanogo ani Drisa Jalo

Fili seegin be Banu ka negeen fila ninnu ni nogon ce, aw y'u nini (jaabi be boko nata kono).



JEKABAARA